



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1195/21
Brčko, 06.09.2021. godine

Z A P I S N I K
sa 228. sjednice Pravosudne komisije Brčko distrikta BiH
održane 06.09.2021. godine, u 08,30 sati sa slijedećim

Dnevni m redom

1. Usvajanje zapisnika sa 227. redovne i 104. vanredne sjednice Pravosudne komisije Brčko distrikta BiH
2. Izvještaj o radu Pravosudne komisije Brčko distrikta BiH za period od 01.01.2021. godine pa do 30.06.2021. godine
(izvjestilac: Safet Pizović)
3. Izvještaj o radu Apelacionog suda Brčko distrikta BiH za period od 01.01.2021. godine pa do 30.06.2021. godine
(izvjestilac: Damjan Kaurinović)
4. Izvještaj o radu Osnovnog suda Brčko distrikta BiH za period od 01.01.2021. godine pa do 30.06.2021. godine
(izvjestilac: Jadranko Grčević)
5. Izvještaj o radu Tužilaštva Brčko distrikta BiH za period od 01.01.2021. godine pa do 30.06.2021. godine
(izvjestilac: Zekerija Mujkanović)
6. Izvještaj o radu Pravobranilaštva Brčko distrikta BiH za period od 01.01.2021. godine pa do 30.06.2021. godine
(izvjestilac: Ilinka Gavrić)
7. Izvještaj o radu Kancelarije za pravnu pomoć Brčko distrikta BiH za period od 01.01.2021. godine pa do 30.06.2021. godine
(izvjestilac: Safet Pizović)
8. Donošenje odluke o formiranju radne grupe za izradu prijedloga Zakona o advokaturi Brčko distrikta BiH
(izvjestilac: Dejan Đurović)
9. Prijedlog Poslovnika o izmjeni Poslovnika o radu Pravosudne komisije Brčko distrikta BiH
(izvjestilac: Dejan Đurović)
10. Prijedlog Pravilnika o izmjeni Pravilnika o unutrašnjoj organizaciji i sistematizaciji radnih mjesta u pravosuđu Brčko distrikta BiH
(izvjestilac: Dejan Đurović)
11. Prijedlog Pravilnika o dopunama Pravilnika o uslovima, načinu i postupku korištenja sredstava reprezentacije i postupku sa poklonima u institucijama pravosuđa Brčko distrikta BiH
(izvjestilac: Dejan Đurović)

12. Prijedlog Pravilnika o zaštiti od požara u pravosuđu Brčko distrikta BiH
(izvjestilac: Dejan Đurović)
13. Pravilnik o izmjenama pravilnika o odijevanju nosilaca pravosudnih funkcija, službenika i namještenika u pravosudnim institucijama Brčko distrikta Bosne i Hercegovine
(izvjestilac: Dejan Đurović)
14. Donošenje odluke o uvrštavanju dodatne edukacije u Plan stručnog usavršavanja za 2021. godinu
(izvjestilac: Dejan Đurović)
15. Donošenje rješenja o prestanku radnog odnosa Daniju Taniću, pripravniku u Osnovnom sudu Brčko distrikta BiH
(izvjestilac: Dejan Đurović)
16. Donošenje rješenja o prestanku volonterskog rada Dejanu Markoviću, volonteru u Osnovnom sudu Brčko distrikta BiH
(izvjestilac: Dejan Đurović)
17. Donošenje odluke o djelomičnom poništenju konkursa broj: SuPK-01-352/21 od 29.03.2021. godine
(izvjestilac: Dejan Đurović)
18. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Dejan Đurović)
19. Donošenje odluke o imenovanju higijeničara u Pravosudnoj komisiji Brčko distrikta BiH
(izvjestilac: Dejan Đurović)
20. Donošenje odluke o imenovanju vozača – kurira u Osnovnom sudu Brčko distrikta BiH
(izvjestilac: Dejan Đurović)
21. Donošenje odluke o imenovanju sekeratara Pravosudne komisije Brčko distrikta BiH
(izvjestilac: Safet Pizović)
22. Donošenje odluke o imenovanju referenta za prinudnu naplatu – sudskog izvršitelja u Osnovnom sudu Brčko distrikta BiH
(izvjestilac: Dejan Đurović)
23. Donošenje rješenja o prestanku radnog odnosa Nerminu Šadiću, arhivaru - operateru u Osnovnom sudu Brčko distrikta BiH
(izvjestilac: Dejan Đurović)
24. R a z n o
- Informacija o zakonima u skupštinskoj proceduri

PRISUTNI SU:

1. SAFET PIZOVIĆ, predsjednik Komisije,
2. ILINKA GAVRIĆ, potpredsjednik Komisije,
3. MATO TADIĆ, predsjednik Ustavnog suda BiH, putem telefona,
4. DAMJAN KAURINOVIĆ, predsjednik Apelacionog suda BD BiH,
5. JADRANKO GRČEVIĆ, predsjednik Osnovnog suda BD BiH, putem telefona,
6. ZEKERIJA MUJKANOVIĆ, glavni tužilac u Tužilaštvu BD BiH

Sjednica počela u 08,34 sati.

Konstatuje se da sjednici prisustvuju svi članovi Komisije, od kojih su 2 člana telefonski uključena i da sjednici prisustvuje i v.d. sekretara Komisije Dejan Đurović.

Predsjednik komisije otvara 228. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza tačke 1. dodaju nove tačke 2. i 3. koje glase: „tačka 2. Donošenje odluke o zahtjevu za pristup sjednici M. S.“, „tačka 3. Žalba M.S. na odluku Komisije za zapošljavanje o izboru najuspješnijeg kandidata broj: SuPK-M-01-69/21 od 03.08.2021. godine“, zatim se iza predložene tačke 13. dodaju nove tačke 14., 15 i 16. koje glase: „tačka 14. Žalba S.Č. na konkursnu proceduru za izbor vozača-kurira u Tužilaštvu BD BiH, po Konkursu broj: SuPK-01-667/21 od 07.05.2021. godine“, „ tačka 15. Verifikacija rješenja o prestanku radnog odnosa Almira Bahor, pripravnika u Tužilaštvu Brčko distrikta BiH, broj: SuPK-01-1185/21 od 02.09.2021. godine“ i „tačka 16. Verifikacija rješenja o prestanku radnog odnosa Nebojši Puriću, stručnom saradniku u Apelacionom sudu Brčko distrikta BiH, broj: SuPK-01-1190/21 od 03.09.2021. godine“, nadalje se iza predložene tačke 23. dodaju nove tačke 24. i 25. koje glase: „tačka 24. Informacija o zahtjevu Apelacionog suda BD BiH za proširenje smještajnih kapaciteta“ i „tačka 25. Molba za pomilovanje osuđenog N. K.“.

U skladu sa navedenim dopunama vrši se prenumeracija tačaka dnevnog reda tako da tačka Razno postaje tačka 31.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 227. redovne i 104. vanredne sjednice Pravosudne komisije Brčko distrikta BiH

Nakon razmatranja zapisnika konstatuje se da su zapisnici sa 227. redovne i 104. vanredne sjednice Pravosudne komisije usvojeni jednoglasno, bez primjedbi.

2. Donošenje odluke o zahtjevu za pristup sjednici M. S.

Nakon obrazloženja i provedene diskusije, Komisija je sa 5 glasova „za“ i 1 suzdržanim glasom Komisija je zaključila da se zahtjevu ne udovolji zbog toga što je Pravosudna komisija, na osnovu odredbe člana 21. Poslovnika o radu Pravosudne komisije Brčko distrikta BiH („Službeni glasnik Brčko distrikta BiH“, br.: 38/08 i 23/17), donijela odluku kojom je proglasila zatvorenom za javnost tačku dnevnog reda koja se tiče donošenja odluke o žalbi na odluku Komisije za zapošljavanje o izboru najuspješnijeg kandidata broj: SuPK-M-01-69/21 od 03.08.2021. godine, (konkurs broj: SuPK-01-667/21 od 07.05.2021. godine).

3. Žalba M.S. na odluku Komisije za zapošljavanje o izboru najuspješnijeg kandidata broj: SuPK-M-01-69/21 od 03.08.2021. godine

Konstatuje se da se predsjednik Apelacionog suda Brčko distrikta BiH, predsjednik Osnovnog suda Brčko distrikta BiH i glavni tužilac Tužilaštva Brčko distrikta BiH izuzimaju od razmatranja i odlučivanja po ovoj tački.

Nakon obrazloženja i provedene diskusije, Komisija je u sastavu od 3 člana donijela sljedeće

Rješenje

Žalba M.S. iz Brčkog se djelimično uvažava, odluka Komisije za zapošljavanje o izboru najuspješnijeg kandidata broj: SuPK-M-01-69/21 od 03.08.2021. godine poništava i predmet se vraća Komisiji za zapošljavanje na ponovni postupak.

Konstatuje se da sjednica nastavlja rad u punom sastavu.

4. Izvještaj o radu Pravosudne komisije Brčko distrikta BiH za period od 01.01.2021. godine pa do 30.06.2021. godine

Predsjednik Pravosudne komisije obrazložio je Izvještaj o radu Pravosudne komisije BD BiH za period od 01.01.2021. godine do 30.06.2021. godine.

Nakon toga se konstatuje da je Izvještaj o radu Pravosudne komisije BD BiH za period od 01.01.2021. godine do 30.06.2021. godine usvojen jednoglasno, bez primjedbi.

Konstatuje se da se u 09,03 sati, član Komisije Mato Tadić, opravdano isključio sa daljeg učešća u sjednici.

5. Izvještaj o radu Apelacionog suda Brčko distrikta BiH za period od 01.01.2021. godine pa do 30.06.2021. godine

Predsjednik Damjan Kaurinović obrazložio je Izvještaj o radu Apelacionog suda BD BiH za period od 01.01.2021 godine do 30.06.2021. godine.

Nakon toga se konstatuje da je Izvještaj o radu Apelacionog suda BD BiH za period od 01.01.2021. godine do 30.06.2021. godine usvojen jednoglasno, bez primjedbi.

6. Izvještaj o radu Osnovnog suda Brčko distrikta BiH za period od 01.01.2021. godine pa do 30.06.2021. godine

Predsjednik Jadranko Grčević obrazložio je Izvještaj o radu Osnovnog suda BD BiH za period od 01.01.2021. godine do 30.06.2021. godine.

Nakon toga se konstatuje da je Izvještaj o radu Osnovnog suda BD BiH za period od 01.01.2021. godine do 30.06.2021. godine usvojen jednoglasno, bez primjedbi.

7. Izvještaj o radu Tužilaštva Brčko distrikta BiH za period od 01.01.2021. godine pa do 30.06.2021. godine

Glavni tužilac Zekerija Mujkanović obrazložio je Izvještaj o radu Tužilaštva BD BiH za period od 01.01.2021. godine do 30.06.2021. godine.

Nakon toga se konstatuje da je Izvještaj o radu Tužilaštva BD BiH za period od 01.01.2021. godine do 30.06.2021. godine usvojen jednoglasno, bez primjedbi.

8. Izvještaj o radu Pravobranilaštva Brčko distrikta BiH za period od 01.01.2021. godine pa do 30.06.2021. godine

Pravobranilac Ilinka Gavrić obrazložila je Izvještaj o radu Pravobranilaštva BD BiH za period od 01.01.2021. godine do 30.06.2021. godine.

Nakon toga se konstatuje da je Izvještaj o radu Pravobranilaštva BD BiH za period od 01.01.2021. godine do 30.06.2021. godine usvojen jednoglasno, bez primjedbi.

9. Izvještaj o radu Kancelarije za pravnu pomoć Brčko distrikta BiH za period od 01.01.2021. godine pa do 30.06.2021. godine

Direktor Safet Pizović, obrazložio je Izvještaj o radu Kancelarije za pravnu pomoć BD BiH za period od 01.01.2021. godine do 30.06.2021. godine.

Nakon toga se konstatuje da je Izvještaj o radu Kancelarije za pravnu pomoć BD BiH za period od 01.01.2021. godine do 30.06.2021. godine usvojen jednoglasno, bez primjedbi.

10. Donošenje odluke o formiranju radne grupe za izradu prijedloga Zakona o advokaturi Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku

I Formira se radna grupa za izradu prijedloga Zakona o advokaturi Brčko distrikta BiH u sljedećem sastavu:

1. Safet Pizović, predsjednik Pravosudne komisije, **predsjednik**,
2. Dejan Đurović, sekretar Pravosudne komisije, **član**,
3. Meliha Bajrektarović, sekretar Vlade Brčko distrikta BiH, **član**, - (Snježana Dolić, šef pododjeljenja za strategiju evropskih integracija i reformu javne uprave, **zamjenski član**),
4. Mirza Telalović, član Upravnog odbora Advokatske /Odvjetničke komore F BiH, **član** – (Amir Mešić, predsjednik Regionalne advokatske komore Tuzla, **zamjenski član**),
5. Mirko Simić, advokat iz Brčko distrikta BiH, **član** – (Milenko Marjanović, advokat iz Brčko distrikta BiH, **zamjenski član**).

II Radna grupa je dužna da svoj rad organizuje u toku radnog vremena.

III Smjernice za izradu propisa: Prilikom izrade prijedloga zakona iz tačke I ove odluke, Radna grupa će se rukovoditi normativnim rješenjima entitetskih propisa kojima je uređena oblast advokature u Federaciji BiH i Republici Srpskoj, uvažavajući sve specifičnosti koje u ovoj oblasti egzistiraju u Brčko distriktu BiH, a na način da se advokatura u Brčko distriktu BiH uredi na cjelovit i sveobuhvatan način tako da u Brčko distriktu BiH prestane potreba za primjenom entitetskih zakona o advokaturi, odnosno tako da se postupi po obavezi propisanoj odredbom člana 5. Zakona o advokatskoj djelatnosti u Brčko distriktu BiH, koja predviđa da će advokati sa sjedištem u Brčko distriktu BiH biti članovi Advokatske komore Republike Srpske ili Advokatske komore Federacije BiH do donošenja Zakona o advokaturi Brčko distrikta BiH i osnivanja Advokatske komore Brčko distrikta Bih.

IV Rok za izradu: Radna grupa je dužna, u skladu sa Odlukom o proceduri i izradi propisa iz nadležnosti Pravosudne komisije BD BiH („Službeni glasnik BD BiH“, br., 49/14), nakon sačinjavanja nacrtu i sprovođenja postupka konsultacija, koji uključuje i objavu na sajtu Pravosudne komisije, prijedlog propisa iz tačke I ove odluke utvrditi i dostaviti Stručnoj službi Pravosudne komisije zajedno sa obrazloženjem i potpisanim zapisnicima o radu, najkasnije do 06.04.2022. godine.

11. Prijedlog Poslovnika o izmjeni Poslovnika o radu Pravosudne komisije Brčko distrikta BiH

Nakon obrazloženja, Komisija je jednoglasno usvojila Poslovnik o izmjeni Poslovnika o radu Pravosudne komisije Brčko distrikta BiH.

12. Prijedlog Pravilnika o izmjeni Pravilnika o unutrašnjoj organizaciji i sistematizaciji radnih mjesta u pravosuđu Brčko distrikta BiH

Nakon obrazloženja, Komisija je jednoglasno usvojila Pravilnik o izmjeni Pravilnika o unutrašnjoj organizaciji i sistematizaciji radnih mjesta u pravosuđu Brčko distrikta BiH.

13. Prijedlog Pravilnika o dopunama Pravilnika o uslovima, načinu i postupku korištenja sredstava reprezentacije i postupku sa poklonima u institucijama pravosuđa Brčko distrikta BiH

Nakon obrazloženja, Komisija je jednoglasno usvojila Pravilnik o dopunama Pravilnika o uslovima, načinu i postupku korištenja sredstava reprezentacije i postupku sa poklonima u institucijama pravosuđa Brčko distrikta BiH.

14. Prijedlog Pravilnika o zaštiti od požara u pravosuđu Brčko distrikta BiH

Nakon obrazloženja, Komisija je jednoglasno usvojila Pravilnik o zaštiti od požara u pravosuđu Brčko distrikta BiH.

15. Pravilnik o izmjenama pravilnika o odijevanju nosilaca pravosudnih funkcija, službenika i namještenika u pravosudnim institucijama Brčko distrikta Bosne i Hercegovine

Nakon obrazloženja, Komisija je jednoglasno usvojila Pravilnik o izmjenama pravilnika o odijevanju nosilaca pravosudnih funkcija, službenika i namještenika u pravosudnim institucijama Brčko distrikta Bosne i Hercegovine.

16. Žalba S.Č. na konkursnu proceduru za izbor vozača-kurira u Tužilaštvu BD BiH, po Konkursu broj: SuPK-01-667/21 od 07.05.2021. godine

Konstatuje se da se glavni tužilac Tužilaštva Brčko distrikta BiH, izuzima od razmatranja i odlučivanja po ovoj tački.

Nakon obrazloženja i provedene diskusije, Komisija je jednoglasno donijela sljedeće

Rješenje

Žalba S.Č. iz xxx, izjavljena na konkursnu proceduru za radno mjesto vozač-kurir u Tužilaštvu Brčko distriktu BiH, po raspisanom javnom konkursu broj: SuPK-01-667/21 od 07.05.2021. godine, se odbija kao neosnovana.

17. Verifikacija rješenja o prestanku radnog odnosa Almira Bahor, pripravniku u Tužilaštvu Brčko distrikta BiH, broj: SuPK-01-1185/21 od 02.09.2021. godine

Nakon obrazloženja, konstatuje se da je Komisija verificovala Rješenje Pravosudne komisije Brčko distrikta BiH, broj: SuPK-01-1185/21 od 02.09.2021. godine.

18. Verifikacija rješenja o prestanku radnog odnosa Nebojši Puriću, stručnom saradniku u Apelacionom sudu Brčko distrikta BiH, broj: SuPK-01-1190/21 od 03.09.2021. godine

Nakon obrazloženja, konstatuje se da je Komisija verificovala Rješenje Pravosudne komisije Brčko distrikta BiH, broj: SuPK-01-1190/21 od 03.09.2021. godine.

19. Donošenje odluke o uvrštavanju dodatne edukacije u Plan stručnog usavršavanja za 2021. godinu

Nakon obrazloženja, Komisija je jednoglasno donijela sljedeću

Odluku
o uvrštavanju dodatne edukacije u Plan stručnog usavršavanja službenika i namještenika za
2021. godinu

I U Plan stručnog usavršavanja službenika i namještenika za 2021. godinu uvrštava se dodatna edukacija pod nazivom „Rodna ravnopravnost“.

II Cilj navedene edukacije je unaprijeđenje znanja i nivoa svijesti o pojmu roda, rodnim normama, metodi gender mainstreaming-a, rodnoj ravnopravnosti i jednakom pristupu pravdi i primjena ovih znanja u radu pravosudnih institucija da bi se obezbjedilo da su radnim procesima u pravosudnim institucijama obuhvaćena pitanja rodne ravnopravnosti i jednakog pristupa pravdi, kao dio ciljeva radnih procesa institucije.

III U edukaciji će biti uključeni zaposlenici svih pravosudnih institucija u skladu sa kapacitetima za realizaciju edukacije, uvažavajući važeće epidemiološke mjere vezane za pandemiju virusa COVID-19.

IV U zavisnosti od epidemioloških mjera, održavanje edukacije predviđa se do kraja 2021. godine u Sali za edukaciju Pravosudne komisije ili putem neke od on-line platformi.

V Sredstva za ovu edukaciju obezbjeđena su u budžetu za 2021. godinu.

20. Donošenje rješenja o prestanku radnog odnosa Daniju Taniću, pripravniku u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Daniu Taniću, pripravniku u Osnovnom sudu Brčko distrikta BiH, prestaje radni odnos zasnovan na određeno vrijeme radi obavljanja pripravničkog staža, radi isteka roka za obavljanje pripravničkog staža.

Radni odnos prestaje zaključno sa danom 16.09.2021. godine.

21. Donošenje rješenja o prestanku volonterskog rada Dejanu Markoviću, volonteru u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Dejanu Markoviću, diplomiranom pravniku, volonteru u Osnovnom sudu Brčko distrikta BiH, prestaje Ugovor o volonterskom radu na neodređeno vrijeme s punim radnim vremenom, zaključen sa Pravosudnom komisijom Brčko distrikta BiH, pod brojem: SuPK-1495/19 od 09.09.2019. godine, zbog isteka perioda na koji je zaključen.

Ugovor prestaje zaključno sa danom 16.09.2021. godine.

22. Donošenje odluke o djelimičnom poništenju konkursa broj: SuPK-01-352/21 od 29.03.2021. godine

Nakon obrazloženja, Komisija je jednoglasno donijela sljedeću

O D L U K U

o djelimičnom poništenju javnog konkursa broj: SuPK-01-352/21 od 29.03.2021. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-352/21 od 29.03.2021. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Sudski policajac u Sudskoj policiji Brčko distrikta BiH (na neodređeno vrijeme)
..... 1 (jedan) izvršilac.

Član 2.

Javni konkurs za poziciju iz člana 1. ove Odluke, djelimično se poništava iz razloga što niko od kandidata ne ispunjava uslove propisane internim oglasom, odnosno javnim konkursom propisan članom 35. stav (1) tačka b) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH;

i

O D L U K U

o djelimičnom poništenju javnog konkursa broj: SuPK-01-667/21 od 07.05.2021. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-667/21 od 07.05.2021. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Vozač – kurir u Tužilaštvu Brčko distrikta BiH (na neodređeno vrijeme)
..... 1 (jedan) izvršilac.

Član 2.

Javni konkurs za poziciju iz člana 1. ove Odluke, djelimično se poništava iz razloga što niko od intervjuisanih kandidata nije dobio minimalan broj bodova utvrđen Pravilnikom o zapošljavanju u skladu sa odredbom člana 35. stav (1) tačka c) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

23. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja, Komisija je jednoglasno donijela sljedeću:

O D L U K U o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

1. Stručni saradnik u Apelacionom sudu Brčko distrikta BiH, (na neodređeno vrijeme)1 (jedan) izvršilac,
2. Stručni saradnik u Tužilaštvu Brčko distrikta BiH, (na neodređeno vrijeme)1 (jedan) izvršilac,
3. Sudski policajac u Sudskoj policiji Brčko distrikta BiH, (na neodređeno vrijeme)1 (jedan) izvršilac,
4. Referent-operator-asistent u Osnovnom sudu Brčko distrikta BiH, (na neodređeno vrijeme)1 (jedan) izvršilac,
5. Referent za upravljanje predmetima u Osnovnom sudu Brčko distrikta BiH, (na neodređeno vrijeme)1 (jedan) izvršilac,
6. Arhivar - operater u Osnovnom sudu Brčko distrikta BiH, (na neodređeno vrijeme)1 (jedan) izvršilac,
7. Vozač – kurir u Tužilaštvu Brčko distrikta BiH, (na neodređeno vrijeme)1 (jedan) izvršilac,
8. Sudijski pripravnik u Osnovnom sudu Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine, 1 (jedan) izvršilac,
9. Pripravnik u Tužilaštvu Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine1 (jedan) izvršilac,
10. Pripravnik u Pravobranilaštvu Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine..... 1 (jedan) izvršilac.

Prijave na konkurs podnose se od 16.09.2021. godine do 30.09.2021. godine.

24. Donošenje odluke o imenovanju higijeničara u Pravosudnoj komisiji Brčko distrikta BiH

Nakon obrazloženja, Komisija je jednoglasno donijela sljedeći

UGOVOR O RADU na neodređeno vrijeme sa punim radnim vremenom

sklopljen između: Pravosudne komisije Brčko distrikta BiH, koju zastupa predsjednik Komisije Safet Pizović, i namještenika Indire Medinić, kćerke Hašima, iz Brčkog, Lejlića br. 124. Imenovana je dužna je stupiti u rad dana 13.09.2021. godine.

25. Donošenje odluke o imenovanju vozača – kurira u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku

Na radno mjesto „vozač-kurir“ u Osnovnom sudu Brčko distrikta BiH imenuje se Zoran Todić, sin Lazara, iz Brčkog.

Imenovani je dužan stupiti na rad dana 13.09.2021. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

26. Donošenje odluke o imenovanju sekeratara Pravosudne komisije Brčko distrikta BiH

Nakon obrazloženja, Komisija je jednoglasno donijela sljedeću

Odluku

Za „sekretara Pravosudne komisije Brčko distrikta BiH“ imenuje se Dejan Đurović, sin Neđe, iz Brčkog, na mandat od 4 (četiri) godine.

Imenovani je dužan stupiti na dužnost dana 13.09.2021. godine.

27. Donošenje odluke o imenovanju referenta za prinudnu naplatu – sudskog izvršitelja u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku

Na radno mjesto „referent za prinudnu naplatu – sudski izvršitelj“ u Osnovnom sudu Brčko distrikta BiH imenuje se Nermin Šadić, sin Kasima, iz Brčkog.

Imenovani je dužna stupiti na rad dana 18.10.2021. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

28. Donošenje rješenja o prestanku radnog odnosa Nerminu Šadiću, arhivaru – operateru u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Nerminu Šadiću, arhivaru - operateru u Osnovnom sudu Brčko distrikta BiH, prestaje radni odnos zaključno sa danom 17.10.2021. godine, na osnovu sporazuma.

29. Informacija o zahtjevu Apelacionog suda BD BiH za proširenje smještajnih kapaciteta

Nakon obrazloženja i provedene diskusije, konstatuje se da je informacija o zahtjevu Apelacionog suda BD BiH za proširenje smještajnih kapaciteta, primljena k znanju.

U daljem razmatranju tačke odlučeno je da se održi poslovini sastanak sa predsjednikom Apelacionog suda BD BiH, glavnim tužiocem tužilaštva BD BiH i predsjednikom Pravosudne komisije BD BiH, sa predstavnicima zakonodavne i izvršne vlasti u BD BiH a u vezi smještajnih kapaciteta po zahtjevu Apelacionog suda, zgradi Tužilaštva BD BiH, te izmještanju arhivske građe Osnovnog suda BD BiH.

30. Molba za pomilovanje osuđenog N. K.

Nakon obrazloženja, Komisija jednoglasno daje prijedlog gradonačelniku Brčko distrikta BiH da se osuđeni N.K., ne pomiluje.

31. R a z n o

- Informacija o zakonima u skupštinskoj proceduri

V.d. Sekretara je informisao članove Komisije da su u proceduri Zakon o izmjeni Zakona o platama i naknadama sudija i tužilaca u Brčko distriktu BiH i Zakon o izmjenama Zakona o platama pravobranioca i zamjenika pravobranioca u Pravobranilaštvu Brčko distrikta BiH, u pogledu toplog obroka, te da će Stručna služba Komisije iste po zaprimljenim mišljenjima slati na dalju skupštinsku proceduru.

Kako se više niko nije javio za riječ, 228. redovna sjednica završena je u 10,09 sati.

**Zapisnik vodila
Nataša Kovač**

**Predsjednik
Pravosudne komisije**

Safet Pizović